

詩

存

詩存卷二

仁和金德瑛檀隱

紅心驛

小簇弓刀隊蕭蕭度遠林
人今垂素髮驛復過紅心
倦馬嘶風急遙村帶霧深
去來何限事市釀且孤斟

宿州

七百里平陸亂山逢玦環
鴉飛喬木外馬飲小橋灣
緣麓投茅舍煎湯煖客顏
依稀曾宿此八載使

車還

戲和旅壁舉子詩

冉冉殘陽下竹扉
勞人止處乍如歸
還朝騾馱聲雖喜
結社雞豚志尚違
土銼帶烟迎遠客
塵沙掩面笑靈妃
宦遊也逐題名隊
指望春明換褐衣

至宣武門哭雪子殯于蕭寺中

惡耗西來不可聞
幽明無路復同羣
平生舊友今餘幾
未卸征鞍便哭君

迹耕石別十餘年
過宿寓齋與陳句
山齊息

園握手感歎情見乎詞

猶逐孤雲到帝城相逢令我氣崢嶸
正平方寸藏山岳師魯邊疆策甲兵
乍喜盍簪聯舊侶幾多泛梗失同盟
潞河且勿匆匆別十載襟懷待細傾

即席同用東坡百步洪韻

尊前且緩卷白波聽說萬里行揚梭
鳶飛站水鴉不到規外星辰看盪磨
坐令十笏蝸壳地笑兀恍觀千層坡
南海炎威深坐甑西涼雪片大飄荷
滇池遠策龍鬚竹金沙江畔探旋渦
無行地難絕迹

易翻然復渡桑乾河招來博雅齊與陳讀破萬卷
窮搜羅得君目擊證經史笑未學殖驚腫駝慨欲
著書續班固胸中腕底浩委蛇乃知山川助興象
磊落行看翻白窠但惜彫零故人少指口可飲真
無何花朝纔過風日美任資談劇忘評訶

二月廿八日同心餘海淀觀山桃約句山息
園不赴仍用百步洪韻叩之知必有解嘲之
答也

春草碧色水淥波鶯聲度柳穿金梭此時點也語

同志由求事業皆消磨卅里珠宮環戚墅位置高
下池與坡桃花爛開紅錦幃酒鑪曲引碧筩荷虹
橋朱閣先被襖肯教觥底停微渦中年意氣類陶
寫偶逐輕駿隨三河夢艸詩中期對謝釣魚船上
還尋羅欲歸未歸夕照亂驢影卧地長於駝無情
僕隸解留戀若與賓主同委蛇沙塵昏困心混沌
倏鑿窾窾如蜂窠老師堅壁挑未已高人飲外忙
誰何知君爽約應惋息以心語口自相訶

哲憫太子於丙寅四月八日誕降

上喜而賦詩一律丁卯晬盟復次元韻不意除夕

痘殤及今戊辰浴佛日則

大行孝賢皇后喪又將逾月矣

上感時悲悼用舊韻志哀而命

臣

等總和三章

梵夾多羅浴佛傳遞者三載竟殊焉由旬彈指時
難定隕月沉珠事或然何處東風堪憶夢

御製
皇后

輓詩忽作東風
夢偏於旅岸邊

由來西竺別為乾一番合掌隨佳

節卜得循環有勝緣

往值

中宮吉語傳天家主寵有人焉欣聞再索情彌切
起視前星黯又然柏酒陳來誰慰

母繡襦藏去未承

乾菩提肯證三生事鶴影笙聲是宿緣

琴瑟餘音寂莫傳恰將匝月倍潛焉不飛驚信來
蓬島猶記金輿上肅然苑樹尚開紅躑躅容衣空
設繡連乾從知

堯舜人倫至感入詩篇托淨緣

同年王介眉下第後出月下觀潮圖索題

言不
與君羅刹江邊住似神而非見無數每當月滿潮
愈奇噴飛凌亂廣寒霧何用射之誇吾能振衣抱
膝白眼橫世事只如潮起落中心爭似月分明種
胥亦是癡魂魄猶趁秋風逆浪生

張立民一花庵圖

見子帝城內東風帶雨斜故鄉消息杳畫裏對梅
花

張直夫耕田識字圖

讀書宜識字此語聞退之誰能戒鹵莽朴學受人

蠟

無田不可歸
宦子嘗歎息
勿輕數稜田
進退堪自得

題心餘歸舟酒醒圖

春明一瞬乍蹉跎
五兩今朝去潞河
風月最清遊子夢
紅塵回首醉時多

蓬岳同遊飛絮時
期君共借上林枝
河橋柳色依稀似
病叟空齋感別離

題耕石水村取適圖

遠遊險涉江與河江南烟水無濤波京雒緇衣雜
風雨江南烟水無塵土吳兒出門即上船不知天
與生安便四方閱歷人事倦始覺此水真可憐南
中雪花頗飄瞥柳不舒顏亦不折女娃柔腕輒輕
槳煮茗松風響清越主人乘興披氅來是漁是釣
何超逸分無宸章賜石湖巨耐孤潔如倪迂一聲
鉄笛冰紋裂兀弄或似楊廉夫少小相逢結交早
眉間精悍今不老喧呼燭炮杯殘夜反覆駕湖笠
澤好怨別秋風潞水帆一人素服

句山時以
憂回杭州一凶

旄謂雪子極歸湖州

箕君萬里興淋漓奴婢魚鰕清絕倒

我不能去可奈何心迹相悖甘從訶君今徑聽吳趨歌豈無歎舊懷知意回念執友哀無多

補溪草堂詩

宋處士顧細二本上虞人程

文海徵之不就避地卜築於虞山之補溪後子孫即以草堂為祠

元初徵召皆宋臣雪樓心疚期同塵遺民或嶠不肯澤史籍弗著名將湮即如顧翁母乃是疊山而外有斯人上虞避地來孤隱補溪一曲清粼粼生

詩存

卷二

六

居草堂死則祠碑宋處士存其真子孫承家勵名
行書聲夜響環溪濱翁卧地下志應伸江東誰人
數甲門簷紳王褚奚足倫

紅豆樹亦顧處士手植錢牧齋宗伯取以名
莊者也

紅豆即相思本是兒女樹不知鉄石心腸人種之
所思在何處六陵冬青黯無色翁有故鄉歸不得
細柳新蒲杜老吟一心寄花花久植錢家尚書稱
壽時偕柳夫人誇賦詩此樹此樹如有知見錢見

顧爾其悲

送沈叔園侍御之登萊青觀察任

五行祿命有定踪君每衣繡行山東山東水旱游
饑饉流離隔歲聞哀鴻

詔書惻怛官吏走提挈綱領推羣公君於其間殫
心力更

命觀察周始終善事上官古語諱俯循凋瘵民情
通坐見青齊北海郡一變斥鹵勤三農焉得消寒
久留駐門外驪駒嘶朔風知君甘旨迎養樂大勝

詩存

卷二

七

冷宦盤堆松剪燭十年話不盡出入相避真匆匆
目今漸覺髣毛變將來兩訝冰霜容

國朝文雅山左盛新城尚書名最崇承流學步互
標格或類雞犬移新豐韓之衡岳蘓海市豪釐虛
實皆天工勉將精詣追古昔莫以偽體驚兒童君
昔南池著騷曲千載事溯杜陵翁七真方外雖誕
幻游眺亦足開心胸蕃宣歸時携一卷示我碧浪
翻魚龍

孫端人中允寓初九消寒限九字

露索風絃凍欲朽
飢鳥啼睨枯枝柳
驅寒送暖剖黃封
速賓疾遣牛馬走
主人海外囊篋空
石有端溪米乏斗
好事猶開北海樽
內言近失伯倫婦
少資諧譔展懷抱
徐掄甲子分先後
初陽會始執敦槃
射覆盆中猜窶藪
氣酣朱顏壓滕六
律嚴白戰續歐九
傾敔醉墨壁間留
或有知音認壘臼

同年秦樹峰齊息園劉繩菴過飲拈涉滌二
韵同賦五言

清譚無津涯興到隨所涉
霏霏轉雋永宛宛自怡

言不
卷二
悵况茲衢術通廡廡望中接呼童易招邀款戶來
狎恰歡言掇冬菹雅令傾竹葉坐密禮豈疎機乘
巧較捷險語借波瀾毋用力妥貼

盍簪動契濶閱歲迅昕夕啟明催鞅馬好境幾虛
擲誰能肝肺傾還向冰雪滌徑欲效淳于醉勿論
斗石六花夜撲簾紅蠟照敲幘刻藤與蠻牋書淫
兼傳癖能來勤過從莫阻角張歷

蠟梅

幽香清沁最先開蠟色還疑未是梅詩老名標元

祐後玉人粧改道家來亦知調鼎原無味為伴消
寒應早裁誰致鄢陵稱絕品素心相訂撥冬醅

恭和

御製賜傳

恒

經略金川元韻

地穴猶偷鼠天弧正射狼相臣兼統帥士氣盡飛
揚房杜參帷密張韓策敵良山川聚米見營陣列
蛇長破竹收殊族來琛隸職方知人惟

帝括麟閣有輝光

恭和

詩存

卷二

九

御製瀛臺賜經略大學士傳恒及諸將士宴元韻

賜宴台衡赴蜀陬

廟謨今協蕩羣酋旌旗一變新更帥樽俎徐開隱
伐謀雪嶺飛師穿棧入繩橋策馬聽泉流筵前踴
躍酬

恩切歸看元侯又列侯

恭和

御製賜經略大學士忠勇公班師還朝二首元韻
上公萬里著精忠鼯鼠投戈乞命窮乍自

恩綸施渙汗真同旭自曜幽蒙道封晉國酬裴度
頌擬燕然賦葛宮從此一隅安反側神威止殺荷
元功

么麼何物暫容巢仰賴

皇慈許曲包徼外歡呼

天子聖番中占應大人文麒麟繪象漢廷美魑魅
圖形禹鼎頻佇看衮衣歸輔日桐華初發鳳鳴交

恭和

御製金川納降奏凱元韻

灰心醜虜詎能然

帝有恩言相度宣萬里囚泥拱

北闕三軍歌舞接西川鑄金永祝威名震露布端
飛墨氣鮮那似鬼方師久克丹忱勇略自回天

題程莘田學士綠雲借蔭圖

逆旅光陰孰主賓古桑相對亦前因問他翠葆成
帷日閱過居停有幾人

晴窗退直日婆娑十畝如同樂意多料得此心無
繫著藤廳薇省待如何

奉

旨送禮部侍郎沈

德潛

予告歸里即次其謝恩元

韻四首

贈言豈獨徧同官

宸翰頻頒慰別顏

賜與壺中新日月占來杖底舊湖山
瞻雲夢合縈

丹鳳如水心宜對白鵬

恩遇歸途人艷說諸生十載位通班

詔許歸田出

詩存

卷二

七

禁廬於今老矣七旬餘庾郎春雨常懷韭張掾秋
風不為魚報國尚期垂白後致身難忘受
恩初五湖便是賡吟地橐筆從教陋子虛

二疏遺躅古同欽老景清標入

睿吟

御製詩有清標終惜去朝
班及依依老景任婆娑之句

詩豈窮人前語

妄榮因稽古後生箴鷗馴

聖澤烟波濶草識春暉雨露深此去江南圖畫裏

溪山曲曲樹惜惜

乞得閑身返碧蘿

龍樓欲別更婆娑已傳鄉信先魚鳥未肯臣心冷
軸邁靈壽齊眉扶鶴髮薰絃應律動驪歌還山倘
就郊居賦早晚封題達

禁坡

恭和

御製季夏視朝詩

鉅典雍容慶有那溫風曉色到鸞坡初過時雨衣
冠潤新沛

殊恩拜謝多仗影平臨班影合臚聲靜應樂聲和

聖明尚厯其難念百爾寅恭勵匪佗

題周石帆齊息園茅屋對吟圖

蚓竅蠅聲事可嗤驚濤聳骨各矜奇夜來箕斗穿
中雷照見青田二鬼詩

安福孝廉王 吟 哀詩

識子垂髫日雙瞳秋水光人似勝衣弱文則挽弩
強貫穿經史集筆力恣汪洋每舉向人說孤鳳騫
高岡庶幾鄉前哲遠紹歐周楊邠歲登賢書主司
賞欲狂春闈暫被放未即排天閭來日豈不多何

惜小迴翔長安師友聚學問得商量往來數晨夕
風義何敦臧那知嬰夙疹一發遂莫當我與司寇
公五十日徬徨錢集齊司寇生座主也時沒於錢寓求醫問湯藥事
事相參詳母病四千里飛書促還鄉到來未及閱
病已中膏肓溘化雖有命旅逝益可傷關君門戶
重寸裂舉家腸知子目不瞑泉下淚浪浪

靈珀篇 珀長扶寸中有莖葉如穀穗冬至
則敷榮暢茂夏至消落

上以其靈異為製賦命臣等賦詩

珀也能靈古未聞中涵物態何翩翩閃金蒸栗表
裏勻柔條嫩葉滋精神安羅樹影臨廣寒鉅鋤潭
空藻荇繁內官捧出閭闔門炫惑變幻難具論思
之疑析若木根千年長受扶桑暎排陰出地氣永
存一陽感動貞復元微生粟顆枝漸分乘垢萎落
了無痕因以授時承

至尊發攄器道垂

大文南山倘有赤松羣藉茲獻瑞光氤氲

恭和

御製書福字詩元韻

有福從天逮衆僚
喬皇鉅筆日星昭
神龍舒卷祥雲護
驚鵠飛翔墨海超
朶殿揮時光照座
金門捧出喜連朝
侍臣擬上

奎章頌文思年年仰

聖堯

題劉繩菴鏡影小照

不受纖塵染還君本色人
陶吟形影句

自題和陶形影神三

首佛說宰官身方外寧同調
圓中自有神洞山賓

主位一笑兩生春

恭和

御製瓊廬元韻

張設偏於旅次宜幕人先導與遷移承塵圓蓋依稀似立壁疏籬彷彿之止頓不知風簌簌寒簾還見日遲遲離宮罕建休民力堯禹從來肯自卑

南臺四首

十里到林垌平鋪一掌青通潮龍有信絕岸虎連陞臺山外有五虎山五虎門地鹵晴猶濕魚多市最腥停輿遊

目好烟靄入虛亭

曉日大旗張橋邊置擁塲赴城無咫尺停舶走漁

商八月新遭颶重洋屢折檣脫身堪喜極何事更

彷徨

八月初旬颶風大作臺灣太守方邦基渡海十七人皆被溺

南下三江口水師壯國威兩營爭犄角狎浪捷如

飛士卒閑張網將軍歲打圍

先皇謀略遠田父樂晴暉

閩安鎮舊有綠旗水師雍正六年添設漢軍水

師於
洋澳

自闢臺灣郡漳泉粒食饒福州程更捷直達不崇

朝針路舟師熟

海中名針路

壘門牧豎跳懷柔資障衛

使者戒輕騷

臺灣由福州去較廈門更速昔時海道未熟專以鹿耳門為險今處處皆可登

矣

烏石山謁范嵇二公祠

烏石一拳秀偏存碧血斑
春秋祠死事實主共名
山萬戶人烟聚千疇氣象間
承平當暇日指顧但開顏

福州登舟

一城官吏送行舟
倏變炎涼感去留
昨日未藏班

女扇臨風待試晏卿裘直穿重疊雲峰峻迴顧蒼
茫海氣秋昔髻尚元今漸白可能容易說重遊
灣環到處問逍遙不奈長年俟語曉曉色推蓬聞
轢金晚窗生濕看傳瓢侵船石面添芒刺近漿茶
鑪急動搖却有戍人知使節角聲飛出遠山腰

新將軍幕中遇汪西顥話舊因出尊人舍亭

先生桂林課子圖遺照索題

先生名坤康熙甲午孝廉

杜老偏憐驥城南亦課符秋風疎硯席金粟落磨
麻令子結交久離羣感歲徂抱經依幕府撫卷淚

詩存

卷二

共

痕俱

十月朔宿石陂街逆旅主人出畫卷求題

昔來戊午今庚午中隔庚申作畫年紙上蒲帆原
不動人如飛鳥卻飄然涼風木葉聲蕭瑟茅舍山
橋路折旋老去東坡還好事烟江疊嶂賦新篇

陸行絕句

四圍曉霧罨山程耳底風泉暗有聲小塢人家深
不見炊烟上接白雲生

崎嶇一徑出延平苦見輿夫汗欲潏浦裏雙龍何

處覓銛峰却在嶺頭橫

碧玉雙流遶建陽考亭先後樂茲鄉遺編可讀嗟
吾老遥指仙峰問茗香

建溪天險溯流難亂石嵯峨一線寬用緯用篙休
用櫓不聞人語只聞湍

竹箭無窮產自南清陰拂拂尾毵毵但供翡翠鯨
魚筆斬盡千山爾亦甘

適志真人汗漫遊雲舟風舵俯齊州何事弟兄甘
化石囚山兀立萬春秋

江郎山石三片舊傳兄弟
三人所化頑山四圍無足

者觀

烏柏經霜黃復丹川原掩映綺霞間一尊莫誚村
醪薄好向西風鬥醉顏

再使無緣敢荔支色香味在譜中知秋來驛隔楓
亭杳地利天時兩失之

題高東軒相公松竹梅水月五清圖照

塵迹日擾擾清氣于何來思對水邊月流光一徘徊
心如月不蝕以水相磨揩曠然宇宙迴自覺形
神諧先生坐盤石朗朗露襟懷松竹挺直節寒梅

發根莖一生利民國隻手障黃淮隨時著勛業內
省奚有哉六一古寄託五清今朋儕欲識達者心
茲圖請為開

恭和

御製釣魚臺元韵二首

項王猶笑匹夫雄偶受人憐濟路窮昔辦多多百
萬衆今餘嫋嫋一竿風誰為左証中庭語或議欺
降六十翁豈有男兒垂釣老薦賢無卒惜文終
臨淵曾值女中雄晚遇娥姁悔命窮自請假王臣

躡足孰當猛士帝歌風果然兔死方烹狗不見盟
寒尚棄翁臺下潺湲留惋息幾人功大克全終

往使金陵未賦懷古之什敬和

御製謁明太祖陵元韻倣半山貢父例疊成四章
蒼蔚松楸隧一方禮殷創業奠椒漿自提虎旅中
都起遂睹龍飛四海王改制機深周內外承家尾
大兆參商有靈不遣郎傳語痛惜神熹自潰防
尺土無階漢北方蝨生甲冑汗成漿燕雲入手方
全夏龍虎稱都尚緩王自運韜鈴真聖武末流朋

黨費評商鳳陽霜露驚烽燹誰領雄師一控防
南作留都鼎北方寢園難自奉醪漿萬幾蠹腐先
神廟半壁驕淫更福王

聖入冷陁方靖寇周申前鑒曰咨商興亡俯仰無
多感明德維馨萬世防

秣陵取道自朱方

躬舉明禋致醴漿牛首山橫分兩闕龜趺碑在認
前王冬青有樹曾悲宋白馬來賓尚祀商真是

聖朝仁厚極昌平川谷盡隄防

恭和

御製塞外山田元韻

高低皆犂确有人疆場之斲石開荆棘漸令蕪穢
治自昔生齒寡土或有曠遺蕃漢今雜聚招徠憫
窮黎老幼携筐餉丁壯用力齊颯然山雨過頽汗
把一犁艱難且勿說猶勝全無資拊循氓爭奪疆
界慎職司庶幾磽瘠壤樂業咸開眉

恭和

御製駐蹕避暑山莊元韻

具體宮城列羽旗巖居川觀兩皆宜優游

色笑娛今日結構堂基紹曩時月榭風軒留

澤永藝林書圃受

恩私

聖祖時
曾於山莊讀書

上

也因遠馭勤秋駕

皇祖神謨

帝見知

恭和

御製永恬居元韻

在宥天下悅堯舜猶旦暮誰能以恬養靜居得其

趣昭昭至人心了了開覺路萬物一體分淵然懷
抱具樂山樂水間知仁惟獨寤拈之問桑郭妙蘊
恐難注

恭和

御製入崖口元韵

陡絕雙崖劃透入仇池天肥身長子孫麋鹿自年
年控制因地脉四面嚴封關蒙古外紛繞不敢私
飲川每當秋獮候飲飛整轡羈尋跡依草烟一躍
越潏潏風毛雨血散人馬逞餘妍據險披其心斷

臂鈴其口耀武以折衝上策古安有
至尊暇賦詩述

祖示來茲更請書擘窠磨崖昔者誰

恭和

御製瓊廬元韻

巧匠為宮室輕齋得自如窗中山月小幕外野烟
虛晏坐宜敷席縈香更展書萬間原
絳闕十笏亦精廬

恭和

詩存

卷二

三

御製閱沈

德潛

進南巡詩章并所和詩至疊舊韻

賜之

翛然林下樂餘春

天顧偏於爾獨親舊侍

紫霄充案吏今呈黃絹有郵人江湖藉以民依達

蠟屐兼將遊跡陳且喜高年才力健簞簞霜後發

新筠

上諭德潛詩章
命督撫代進

秋塞風霜不似春關心惟向

日邊親老無筋力隨騶士遠托聲詩和

聖人古調師承北地李開門風溯後山陳

宸章重賜欽

淵鑒竹譜分明別箭筠

上覽德潛南巡詩定為他人代擬其和詩一卷則

係德潛自作

恭和

御製木蘭元韻九首

長城一分界自北無郡縣木蘭稱奧區耳聞今日
見周原何臚臚錯繡如芳甸禹功未曾施高山大
川奠

繚瀛啟

皇居包荒闢靈囿創業收侯王草薶而禽狩

祖宗功德崇上邁三五茂區區玉斧畫乃誇中原
富

蕭蕭馬鳴肅艷秋卉斑駟御懷挾續踴躍忘其
寒廬帳占地布糧餼當風餐拾枯煮澗水割鮮快
登盤

連崖削穹窿詰屈露清美漫滅無人踪蹄風尋所
止艸膏桑葉沃鹿大封牛比山林命庖厨全生恃

何理

宇宙標靈秀文士助之譽
檀弓言物始是誰名厥
初潛闇待彰耀今為舉一隅
不從屬車末焉得觀
三驅

前旌度灣曲後騎尚巖幽
昨宵微有霜掩映丹楓
秋人隨獸窟移十里廿里
留宿烟與晨炊相隔只
山頭

正當三五後桂輪到天心
蒼蒼林壑靜中有龍鳳
吟明星數白石天漿高可斟
寫之朱絲弦自然韶

詩存

卷二

三

獲音

屬國效子來仰依

日月光毳帳參差列土貢馬與羊

天子大賚汝侑之流霞觴信順獲天庀安居勉淳
龐

迢遞趣平行繚曲別深隩欵見田園子熙熙從所
樂曠蕩地界寬澄爽出蒼昊詎用碎細疏佳處領
其要

恭和

御製題文徵明小像元韻

像為沈德潛所進乞題

側理傳神儼阿儂三吳風雅問南宗九旬逸事鄉

人記

王世貞墓誌陸師道書于卷上

異代標題

聖主逢玉磬卜居同白鶴金門無夢到丁松喜今
名士生多幸不向蓬廬繼往踪

真定龍興寺大悲閣佛像

紺碧佛閣干雲霄隔城遙見壓麗譙中有七十三
尺像狎恰蓋頂如團茅駢指义臂數未諦循梯百
級分肩腰雙荷張穴容僧寮天王俯膺聯雕尻陰

陽為鑪萬物炭聚斂礦藏鎔脂膏偉哉宋祖所營
造乃似牝武天樞豪豈祈并漢延國祚藉鎮北虜
矜財饒調御丈夫破顏笑我不佑宋亦不遼眼耳
舌鼻心無住須彌山王一秋毫必如大力具供養
震旦像教當寥寥劫灰飛過靖康亂寂定瞑度元
明朝且於菩提巖晏坐慎勿伸欠梁榱搖洪波自
免滹沱齧舍利豈憚丹霞燒惟周宗言大可怖捨
身利物為泉刀

宿獲鹿有感張雪子丁卯典蜀試歸遂沒於

此

雲龍四海矢相從歎息靈鼇此折峰玉壘題詩存
舊篋土門視含委諸傭嵐昏頓減春前態世隔難
尋夢裏蹤真是西州成一慟茗溪馬鬣久茸封

雪度井陘關與周石帆學士同用漁洋韻作

歌

蓬萊宮出祭紙黃秦晉蜀使車聯行

予奉命祭
女媧成湯二

陵周石帆祭蜀江源涂太常淳沱渡後望險阻漸

覺山谷生蒼涼燕趙古稱多節義齒冷隙末羞陳

張唐藩幽鎮互割據晉陽東面鎖鑰詳陰雲似凝
古壁壘玉屑忽洒征衣裳羣仙跨鶴羽節幢浮空
游戲樂未央輿夫軒前又輕後滑汰側足頻隄防
舊關據隘尚中路新關矗翠堆雷礮角聲縹緲出
雉堞飛白點點旌旗揚山農舊冬苦無雪今喜麥
壠滋不荒高低鑿坏露門竇一穴豈辨堂與皇石
田春冷遲墾作枯草迸罅如針秧嗟爾謀生太跼
蹐慙我傳食隨翱翔不逢爭戰不耕戍但騁筆墨
含風霜峰迴漸失韓信幟出坎更弔興唐王

介山懷古二首

君臣本一體利祿所不言
酬庸頒爵祿義在心亦
安公子出亡久從者扞禦艱
有勞斯有報寧得曰
貪天三士五人後功當次第論
駢脅非烏啄豈其
膏遂屯安有母與子訕懟私
斷斷賢者甘飛遜于
志可兩存功名孤趙外見此
庶讓尊立國崇高節
亦令風俗敦臣如丙丞相口
不言曾孫君如漢光
武嚴光放富春旌善置田里
庶幾斯人還亡何遂
沒齒乃譌子推焚

臺麓秀東峙汾水從西流中間平於掌漠漠良田
疇如此得偕隱樂哉誠鮮儔公子斬袪走母在焉
得留蒼皇處狄日道路成阻修及乎十九年相見
應白頭試問毛與偃有此至情不公子既返國素
願良已酬寧當尸祿食復從征諸侯堂上樂養志
遊子懷故邱介山渺何許千載令人求

郭有道墓

清議東京直猶多諛墓詞倘令國史就褒貶可無
私

駢麗可言情敘述當質直今看有道碑他人移亦得

蒲州道中送涂石溪周石帆別各一首

臨河浩浩正消冰分手神仙望李膺馬首向西數

百里春風吹綠十三陵

石溪所祭軒轅氏及周文
武成康漢高帝文帝宣帝

後魏文帝唐高祖太宗憲
宗宣宗皆在西安府相近

岳蓮渭柳迎旌仗石馬

金人指廢興舊說長安原似奕可思覆局對明燈

旅中多與石

溪圍碁消夜

壯遊持節有餘閒小別知君興不慳曉日雲開屨

聶掌東風人度喜歡開海棠花下詩方就鸚鵡聲
中騎又還好事較輸前輩便放舟直到楚吳間

猗氏縣戲作

等封千戶死何稱望邑猶留猗氏名漢室有官酬
卜式秦臺高築表懷清龍門立說難干世雷首登
歌苦用情行樂一生誰最得高貲睥睨笑公卿龍門

雷首皆猗氏鄰境

望華山

夙昔探奇頗有因當前太華露嶙峋分明四扇潼

關路也說西遊不到秦

汾陰行六首

汾水何如泗水深居然周鼎出幽潯不能承得清
霄露歸去咸陽更鑄金

后土遺基鴉滿林漢家辭碣杳難尋仙人未遇人
先老不覺秋風一動心

漢日方中四葉鮮雄豪如武果無前太宗未解長
生術欲錮南山亦可憐

簫鼓樓船望白雲正當高會莫情分萬歲三聲親

詩存

卷二

天

聽得岳靈斷是不欺君

漢雁飛餘唐雁飛秋風歲歲不相違休言李嶠真
才子事過君王悟昨非

榮光又見出河津祀典千秋絕復新王旦不言南
士喜天書一卷為何人

望中條山

白雲繞中條中有王官谷谷中地不多于馬甘避
俗至味外酸鹹高懷抱珠玉園公志或同李業期
不辱有時思鬱陶草木失春綠誰唱菩薩蠻哀音

過山麓

龍門

世變日云撫慨然三代期六經制治本有道寧自
私救世類枉尺一卷不復疑彼哉本先撥何能燕
翼貽授之羣弟子猶作帝王師

榆次令錢

之青

見示五臺行役詩一卷因題

其末

于役冰雪窟風懷乃爾高每吟呈佛句不憚出疆
勞險奧前題少鐫劖筆力豪泠泠松澗意併入玉

詩存

卷二

无

渠操

舍弟託交契相逢一笑同期登三載考猶極五言
工地接同戈驛山藏避暑宮定餘懷古什約日誦
清風

壽陽驛昌黎詩刻

君言不宿驛塵飛公竟甘心蹈禍機廷湊不如皇
甫鑄笑譚容易解重圍

平定州贈同年王蔗村

西趙東燕鎖一州山形齊拱湧雲樓清時作吏容

登嘯白雪招誰互唱酬酒盞元辰曾夜醉詞科舊
侶各星流過從更喜前期在報政聞書屏上頭

奉

勅題青蓮朶 宋德壽宮遺石一峰旁有古梅
本朝藍瑛圖為梅石碑今梅已槁仆惟石獨存
南巡返蹕浙江大吏以舟載進於

圓明園

上錫名青蓮朶而命內廷

臣

等共賦詩

玉井花開結為石飛過天竺尋不獲是誰輦載宋

詩存

卷二

辛

宮中瘦透峰巒矗蒼碧南渡父子方怡然捧觴祝
壽如石年敵中徙築瓊華島一拳安處錢唐偏當
時側畔多花柳傳下梅龍根最久故知冰玉匪凡
儔合配嶙峋呼執友攷古歛睹藍瑛碑羅浮夢杳
枯無枝只留此朶青蓮在不受汙泥劫火移出水
丰姿何綽約玲瓏自謝斤斧削

至尊巡幸暫摩挲六百年間事猶昨雲烟寓眼意
不留豈教遠道勞車舟試看雪浪中山近還許名
蹟存其州石雖欣幸弗能語天假遭逢依

聖主越江淮河如砥平
輶師效順蒲帆舉昆明
鴨綠波鱗鱗更勝西
泠十里春青松翠栝相環護
結伴何必孤梅親況今萬里

恩澤渥獻琛貢璧交南朔
藉表區區向日心
照見吳根與越角
遇雨而潤晴而烟
鳳麟洲上添鮮妍
自

天題後稱雄甲赤文
綠字重雕鐫